



Broj: 0101-2708-6/19  
Sarajevo, 11. 11. 2019. godine

Na osnovu člana 69. stav (2) tačka d) i člana 70. stav (4) Zakona o javnim nabavkama BiH („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku radova – Restauracija ulaznih vrata, na preporuku Komisije za javnu nabavku broj: 0101-2708-5/19 od 06. 11. 2019. godine, rektor Univerziteta u Sarajevu donosi sljedeću

### ODLUKU

**o poništenju postupka javne nabavke radova – Restauracija ulaznih vrata – Obala Kulina bana 7**

#### Član 1.

Prihvata se preporuka Komisije za javnu nabavku broj: 0101-2708-5/19 od 06. 11. 2019. godine. godine i postupak javne nabavke radova: Restauracija ulaznih vrata, SE PONIŠTAVA, iz razloga utvrđenih članom 69. stav (2) tačke d).

#### Član 2.

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### Obrazloženje

Na osnovu Odluke o pokretanju postupka javne nabavke broj: 0101-2708-2/19 od 19. 09. 2019. godine, Univerzitet u Sarajevu je pokrenuo otvoreni postupak za nabavku radova – Restauracija ulaznih vrata. Za provođenje postupka predmetne javne nabavke, Odlukom broj: 0101-2708-3/19 od 19. 09. 2019. godine, imenovana je Komisija za javnu nabavku u sastavu: Mirza Mehaković, predsjedavajući, te članovi Mirza Hebib, Pravni fakultet i Iris Bilalagić. Za zamjenske članove su imenovani Ivana Smiljanić, Pravni fakultet i Semir Đulić.

Obavještenje o nabavci broj: 999-1-3-93-3-79/19 objavljeno je na Portalu javnih nabavki dana 08. 10. 2019. godine.

Istog dana na portalu javnih nabavki objavljena je i Tenderska dokumentacija broj: 0101-2708-4/19.

Iz Izvještaja o preuzimanju tenderske dokumentacije od strane ponuđača, preuzetog 29. 10. 2019. godine sa Portala javnih nabavke u 7:11 sati, vidljivo je da su sa Portala javnih nabavke Tendersku dokumentaciju preuzeli slijedeći potencijalni ponuđači: MIGROS DOO, EKAPIJA DOO, “VIZIJA” DOO VISOKO, BBS EUROPE, HAKE, GALBOLS DOO, BOSNA-KOM.DOO GRAČANICA, DINALSA D.O.O. SARAJEVO, YAVUZ COMPANY D.O.O, PENNY PLUS DOO SARAJEVO, ŽALUZINE STYLE D.O.O, NEIMARI DOO I URBING D.O.O.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 29. 10. 2019. godine u 7:12 sati, vidljivo je da od strane potencijalnih ponuđača nije bilo pitanja i zahtjeva za pojašnjenje Tenderske dokumentacije.

Na Tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 29. 10. 2019. godine u 11,15 sati održano javno otvaranje blagovremeno dostavljenih ponuda slijedećih ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	<b>VIZIJA DOO VISOKO, Muhašinovići bb, 71300 Visoko</b>	0101-9526/19	29.10.2019. 10:55:00

Na javnom otvaranju ponuda bio je prisutan predstavnik ponuđača VIZIJA DOO Visoko, Tarik Smajić. Zapisnik o otvaranju ponuda je isti dan preuzeo predstavnik ponuđača: Tarik Smajić.

Iz Zapisnika Komisije za javnu nabavku je vidljivo da je Komisija započela sa radom 29. 10. 2019. godine u 11:30 sati radi pregleda i ocjene ponude, odnosno da bi utvrdila da li ponuđač VIZIJA DOO, Visoko, ispunjava uslove iz člana 45. do 51. Zakona o javnim nabavkama koji su traženi Tenderskom dokumentacijom, kao i da bi utvrdila da li je isti ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetnih radova. Komisija je svoj rad završila 06. 11. 2019. godine.

Iz Zapisnika Komisije vidljivo je da je pregledom ponude ponuđača: VIZIJA DOO, Muhašinovići bb, 71300 Visoko, utvrdila da ovaj ponuđač ne ispunjava sve uslove za kvalifikaciju tražene Tenderskom dokumentacijom (detaljno konstatovano u Tački 10. Zapisnika), odnosno:

- iz dostavljenog Aktuelnog izvoda evidentno je da Ponuđač VIZIJA DOO Visoko nema upisanu djelatnost koja je u vezi sa predmetom javne nabavke – RADOVI NA RESTAURACIJI ULAZNIH VRATA, a koji radovi su detaljno upisani u Obrascu za cijenu ponude – Obrazac II, te Idejnom projektu Palate pravde u Sarajevu – Restauracija vrata službenog ulaza u zgradu Rektorata Univerziteta u Sarajevu, koja je po tom osnovu sastavni dio Tenderske dokumentacije;
- u tački 7. Tenderske dokumentacije navedeno je da: „Izvršeni radovi restauracije ulaznih vrata moraju u potpunosti odgovarati karakteristikama i ostalim traženim zahtjevima naznačenim u ovoj Tenderskoj dokumentaciji, te uslovima utvrđenim u Saglasnosti Kantonalnog zavoda za zaštitu kulturno-historijskog i prirodnog naslijeđa Sarajevo broj: Z-05, Z-10, Z-11, 438/19 od 15. 03. 2019. godine, te prihvaćenom Idejnom projektu restauracije vrata na službenom ulazu zgrade od strane Kantonalnog zavoda za zaštitu kulturno-historijskog i prirodnog naslijeđa, Saglasnost broj: Z-05-Z-11-1196/19 od 13. 08. 2019. godine (PRILOG II-A).”
- objekat Pravosudne palate, na kojem su predviđeni Radovi restauracije ulaznih vrata, je Odlukom Komisije za zaštitu nacionalnih spomenika Bosne i Hercegovine broj: 07.3-2.3-37/18-26 od 21. 12. 2018. godine, proglašen nacionalnim spomenikom Bosne i Hercegovine, te svi elementi građevine i izvornog namještaja podliježu posebnim mjerama od strane ovlaštenih pravnih lica, odnosno, u predmetnoj javnoj nabavci, Kantonalnog zavoda za zaštitu kulturno-historijskog i prirodnog naslijeđa. S tim u vezi, u članu 8. stav (1) Nacrta Ugovora utvrđeno je da će, prilikom izvođenja radova, kontinuirani nadzor vršiti navedeni Zavod.
- kao dokaz za tačku 13.4.2. Tenderske dokumentacije, a kojom se traži dostava dokaza da je uredno izvršio najmanje jedan ugovor u posljednje 2 (dvije) godine čiji predmet nabavke je isti ili sličan predmetu ove nabavke, restauracija, čija ugovorena vrijednost iznosi najmanje 15.000,00 KM bez PDV-a, ponuđač VIZIJA DOO Visoko je dostavio potvrdu „Mušinbeg-Komerc“ DOO Visoko broj: 01-268-2/18 od 28.10.2019.g. o izvršenom ugovoru o rekonstrukciji ulaznih vrata na poslovnom objektu u vrijednosti od 16.536,00 KM bez PDV-a. Dostavljena potvrda potvrđuje uredno izvršenje ugovora, ali na poslovnoj zgradi koja ne predstavlja zaštićeni objekat ili nacionalni spomenik. Istovremeno, uvidom u Registar izvođača kojima je dato ovlaštenje za izvođenje radova zaštite, konzervacije i rehabilitacije nacionalnih spomenika Federalnog ministarstva prostornog uređenja, a u kojem su utvrđeni datumi izdavanja ovlaštenja sa rokom važenja istih, evidentno je da ponuđač VIZIJA DOO Visoko nema takvo ovlaštenje.

U skladu sa navedenim, Komisija je ponudu ponuđača VIZIJA DOO, Muhašinovići bb, 71300 Visoko, ocijenila kao **NEPRIHVATLJIVU**.

Komisija za javnu nabavku dala je preporuku rektoru Univerziteta u Sarajevu da za nabavku radova – Restauracija ulaznih vrata, donese odluku o poništenju postupka nabavke, jer, u skladu sa članom 69. stav (2) tačka d), ponuda ponuđača VIZIJA DOO 71300 Visoko, nije prihvatljiva.

Iz naprijed navedenih razloga, primjenom člana 69. stav (2) tačka d) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**REKTOR**

  
**Prof. dr. Rifat Škrijelj**



**Dostaviti:**

VIZIJA DOO, Muhašinovići bb, 71300 Visoko

- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- Jedinica za internu reviziju
- web stranica UNSA
- a/a

**Prilog:** Zapisnik o pregledu i ocjeni ponuda